

بِسْمِ اللّٰهِ الرَّحْمٰنِ الرَّحِیْمِ

Allah Taala dire dans Qur'an Shareef : " Ô insaan, faire ibaadat pou ou Créateur, Qui fine créer ou et banne qui ti exister avant ou, pou ou gagne taqwa (la frayeur d'Allah). C'est Li qui fine place la terre comme ène tapis pou ou, et lé ciel couma ène toit pou couvert ou. Li faire de l'eau tomber dépi lor lé ciel et Li produire avec ça banne fruits (aliments tels du riz, du blé, légumes etc) pou ou nourriture. Alors pas donne Allah banne rival alors qui ou conne la vérité"

(Sura 2 Versets 21 & 22).

-o-

Ca Ayat qui nous fine citer là, là-dans Allah dire qui quikchoses nécessaires pou ène insaan vivre.

Coumme ça même, dans différentes places, Allah dire ki l'air, de l'eau, la terre, la lune, le soleil, la nuit, li jour - tout cela Li fine créer pou insaan, parce qui insaan besoin tout cela pou capave vivre. Par exemple, pou ène insaan vivre, li besoin respire l'air, ce qui veut dire qui insaan besoin l'air qui Allah fine créer comme nécessité pou dimounes. Insaan dépende lor l'air mais l'air pas dépende lor insaan. Coumme ça même ou capave penser pou tout quikchoses qui Allah fine créer pou nous-mêmes. Et Allah dire dans ène l'autre place : (sura 76 Verset 2)

"Vraiment, Nous fine créer insaan avec ène goutte sperme mélangé, pou tester li. Nous fine donne li pouvoir tender et guetter".

Coumme ça même, Allah fine donne insaan pouvoir causer, attraper, marcher, avec sentiments et l'esprit. Allah donne nous l'esprit pou qui nous capave étudier pou vine docteur, avocat, professeur etc., ainsi qui scientifique afin qui nou capave invente quikchoses ki nous besoin.

NOTE : Faire attention ! énan différence entre création d'une part et, d'autre part, invention ou fabrication. Création veut dire qui pas ti énan quikchoses mais Allah Taala fine créer zotte, fine faire zotte paraître. Invention ou fabrication veut dire banne quikchoses qui ti énan déjà mais qui l'homme, avec so l'esprit, fine assembler pou donne li ène forme, pou so besoin. Par exemple, insaan prend ciment, du sable, fer, blocs etc., et construire ène bâtiment. L'ingénieur ou le maçon, zotte pas ène créateur mais zotte ène constructeur. Coumme ça même pou l'auto, frigidaire, avion, camion, bateau, ventilateur, radio, fusée etc.,

Nous donne ène l'exemple : THOMAS EDISON, le grand homme de science américain, ti invente le télégraphe, transmetteur, l'appareil pour recevoir message, ampoules, l'écran et projecteur, bref, environ 1,000 quikchoses - li ti dire, dans ène interview ki " dimounes croire qui mo ène grand inventeur mais ça li pas vrai parce qui mo pas énan ni la force, ni l'éducation pou mo invente même ène dimoune ignorant qui capave articule ou prononce banne sons ou banne mots qui pas énan aucune sens. Ès tout, si dimoune dire mo ène inventeur, c'est pas juste". Là-là, Thomas Edison pointe so l'index vers lé ciel et dire : " C'est Li qui Le Vrai Inventeur ! " (Ref. Readers' Digest - Août 1973).

Graham Bell, qui ti invente le téléphone etc., li aussi ti dire dans ène interview, ki tous dimounes faire grand grand éloge de la science, mais science pas encore arriver invente ène mouche qui énan la vie !

Nous aussi respecter scientifiques zotte inventions, mais faudrait pas nous oublier Allah So Pouvoir, ène Pouvoir sans égal, sans limite, et transcendant. Si Allah fini tire ène dimoune so rouh, est-ce qui énan scientifique qui capave donne li la vie ?

Pou insaan so besoin, Allah Taala faire coumme ça faveurs qui nous pas capave compter. Dans Qur'an Shareef, Allah dire : LI DONNE OU TOUT CA KI OU DEMANDER. Si OU ESSAYE COMPTE BANNE FAVEURS D'ALLAH OU PAS POU CAPAVE TOTALE ZOTTE". (Sura 14 Verset 34).

Ou besoin rappelle ène fois encore ki Allah fine créer beaucoup quikchoses pou nous besoin. Premier faveur pou nous c'est qui Allah fine créer nous comme insaan. Et tout ça ki important pou ène insaan vivre, ça aussi Li fine créer. Si mo demande ou qui faire, pou qui raison, dans quel but Allah fine créer manger, boire, soleil, la lune, l'air, la terre, la pluie etc., ou pou réponde, tous insaan pou réponde, ki Allah fine créer tout cela pou nous, pou nous facilités, pou nous besoins. Si astère-là mo demande encore qui faire, pou qui raison, dans quel but Allah fine créer ou ? Manger, boire pou ou, Li jour ek la nuit pou ou travaille et ou reposer, l'air pou ou respirer, de l'eau pou ou boire, garde ou propre et arrose ou banne plantations. Coumme ça combien z'affaires Allah fine créer pou ou ; Seulement mo banne frères et soeurs, est-ce qui ou fine déjà penser pour qui raison Allah Taala fine créer nous ? Nous demande ou pense un peu lor ça question-là. La semaine prochaine, nous va continuer, Insha Allah !